



CONCELLO DE OUTES (A Coruña)

CONDICIÓNS DA CONVOCATORIA DO CAMPAMENTO DE VERÁN 2023

O Concello de Outes abre o prazo de inscrición para o Campamento de verán 2023 do Programa “Outes Concilia”.

- Regulamento do “Programa Outes concilia”. Publicado o xoves 27 de agosto de 2020. BOP núm. 139
- Ordenanza reguladora do prezo público pola utilización dos servizos de conciliación da vida laboral e familiar “Outes concilia”. Publicado o mércores 26 de agosto de 2020. BOP núm. 138

CONDICIÓNS XERAIS

CRONOGRAMA 2023

O campamento abarca desde o 22 de xuño ao 8 de setembro, podendo as familias elixir as quendas que precisen, quedando distribuídas da seguinte maneira co seu correspondente prezo público recollido na ordenanza reguladora do prezo público pola utilización dos servizos de conciliación da vida laboral e familiar “Outes Concilia”.

1ª QUENDA.- do xoves 22 de xuño ao venres 30 de xuño (7 días) (30 €)

2ª QUENDA.- do luns 3 de xullo ao venres 14 de xullo (10 días) (40 €)

3ª QUENDA.- do luns 17 de xullo ao luns 31 de xullo (10 días) (40 €)

4ª QUENDA.- do martes 1 de agosto ao luns 14 de agosto (10 días) (40 €)

5ª QUENDA.- do mércores 16 de agosto ao martes 29 de agosto (10 días) (40 €)

6ª QUENDA.- do mércores 30 de agosto ao venres 8 de setembro (8 días) (30 €)

As exencións e bonificacións están contempladas no artigo 5 da mesma ordenanza. Segundo as circunstancias da unidade familiar aplicaranse os seguintes descontos:

1.- Exención:

A emisión dun Informe Social do departamento de servizos sociais que indique a necesidade do servizo sen que haxa posibilidades económicas para aboar o custo do mesmo conlevará a exención da cota.



CONCELLO DE OUTES (A Coruña)

2.- Bonificacións:

Cando asistan ao mesmo servizo varios irmáns de xeito simultáneo, o segundo irmán e sucesivos terán un desconto dun 50%.

UBICACIÓN E HORARIOS

O campamento de verán desenvolverase nas instalación do edificio autónomo do CEIP Plurilingüe de Outes en horario de 8:00 a 16:00 horas. As familias poderán facer uso do servizo en función das súas necesidades permitindo a entrada e saída flexibles. Para un bo desenvolvemento das actividades programadas, recoméndase a aquelas familias quen non vaian a facer uso do horario completo do campamento, incorporarse ao mesmo sobre ás 10:00 h. e saída a partir das 13:30 h. Os menores teñen opción de almorzar e xantar no mesmo, sendo as familias as encargadas de aportar os alimentos, en termos e neveiras.

DESTINATARIOS

Está dirixido ás familias con menores de 3 anos (escolarizados) a 16 anos. Prazas limitadas.

Para a adxudicación das prazas terase en conta a orde dos seguintes criterios conforme ao artigo 8.3 do Regulamento do Programa "Outes Concilia".

1º criterio.-Familias con menores empadroados no Concello de Outes

2º criterio.- Familias que aporten Informe Social que indique a necesidade do servizo en base a circunstancias socioeconómicas e familiares.

3º criterio.- Ser familias monoparentais ou familias numerosas.

4º criterio.- Familias con fillas/os de mulleres vítimas da violencia de xénero.

5º criterio.- Familias nas que algún das/os proxenitores teñan o seu posto de traballo no Concello de Outes

6º criterio.-Familias doutros concellos cuxos menores gocen das vacacións neste concello

FORMA DE PRESENTACIÓN DAS SOLICITUDES

As solicitudes de inscrición, renuncia e devolución do pago deberán presentarse a través dos modelos normalizados establecidos ao efecto na páxina web do Concello de Outes. Poden presentarse de xeito telemático, a través da sede electrónica do Concello de Outes (<https://outes.sedelectronica.gal>), ou de xeito presencial no Rexistro do Concello de Outes (horario de 9:00 a 14:00 horas, de luns a venres).



CONCELLO DE OUTES (A Coruña)

Documentación a achegar xunto coa ficha de inscrición:

- Copia do DNI dos responsables do menor
- Copia Libro de familia, sentenza ou resolución administrativa que acredite a relación xurídica entre ambos
- Tarxeta sanitaria do/a menor
- Declaración do IRPF ano 2022 e no caso de non presentala certificación negativa
- Documentación acreditativa dos criterios para adxudicación das prazas:
Informe social, acreditación de familia monoparental, familia numerosa, vítima de violencia de xénero; certificación de empresa ou da institución correspondente así como outra documentación que xustifique ditos criterios.
- Documentación relacionada cos datos de saúde, de ser o caso
- Modelo firmado da ficha LOPD específica do Programa “Outes Concilia”

O persoal técnico responsable do servizo, unha vez analizadas e aceptadas as solicitudes, contactará coas persoas solicitantes para requirir a documentación complementaria ou adicional que se precise.

PRAZOS E CONDICIÓNES ESPECÍFICAS:

- 1. DO 23 AO 29 DE MAIO:** Inscrición no campamento de verán no formulario establecido ao efecto.
- 2. 7 DE XUÑO:** Publicación da listaxe provisional de admitidas/os nas diferentes quendas do campamento
- 3. DO 8 ATA O DÍA 13 DE XUÑO:**
 - a. Pago bancario do prezo público correspondente, de acordo ao establecido na ordenanza reguladora do programa “outes concilia”, das persoas admitidas na listaxe provisional con praza e presentación por correo electrónico cimoutes@yahoo.es dos xustificantes de pago. Na páxina web figurará o modelo informativo para formalizar dito pago.
 - b. Presentación por rexistro/ sede electrónica das renuncias ás prazas que figuran na listaxe provisional de admisión.
 - c. Presentación por rexistro/ sede electrónica das posibles reclamacións, alegacións á listaxe provisional de admisión.



CONCELLO DE OUTES (A Coruña)

- 4. 16/19 DE XUÑO:** Publicación da listaxe definitiva de admitidas/os nas diferentes quendas do campamento e listaxe de agarda
- 5. 22 DE XUÑO:** comezo da primeira quenda do campamento de verán
- 6.** Con posterioridade a obtención da praza e aboado o prezo público correspondente **só se terá dereito a devolución do mesmo nos seguintes casos:**

Devolución total da cota:

- Anulación da actividade ou non prestación do servizo por parte do Concello de Outes por causa non imputable á persoa solicitante
- Renuncia á praza adxudicada, presentando modelo normalizado por rexistro/sede electrónica, con unha antelación mínima de 5 días hábiles ao comezo das quendas
- Cando a persoa usuaria non poida utilizar o servizo por causas de forza maior (causa médica grave que afecte á persoa menor/ falecemento ou enfermidade grave de familiar ata o segundo grao) que deberá acreditar cos documentos xustificativos que en cada caso correspondan
- Abandono da quenda por causa médica grave acreditada que afecte á persoa menor sempre e cando non transcurriren máis do 50% dos días de duración da mesma

Devolución parcial da cota

- Erros no importe aboado

Máis información CIM (Centro de Información á Muller do Concello de Outes) solicitando cita previa en horario de 9:00 h. a 14:00 h. no número de teléfono 981850949, correo electrónico cimoutes@yahoo.es